



## TUSAGASSIORFINNUT NALUNAARUT

Nuuk, ulloq 15. feb. 2016

### **ANDERS MEILVANG IKIUP SIULERSUISUINI SIULITTAASUTUT TUNUARPOQ**

IKIU'p siulersuisuisa pingasunngornermi februaarip qulinganni 2016 ataatsimiinneranni advokat Anders Meilvang nammineq kissaatigisaminik IKIU'p siulersuisuinit tunuarpoq. Isimigut innarluuteqarnini pissutigalugu advokatit suliffeqarfianni INA:NUNA-mi suliani salliutittariaqarsimavai.

Anders Meilvang piffissani assigiinngitsuni marlunni siulersuisunut siulittaasuusarsimavoq. Inatsisitigut siunnersuisarfiup pilersinniarnnerani taanna siuttuuvooq inuillu allat pingasut peqatigalugit februaarip 12-anni 2010 IKIU aallartillugu, taamanilu IKIU'p siulersuisuini siullersaalluni siulittaasunngorluni. Tamanna pereermat juunip aallaqqaataani 2010 IKIU innuttaasunut tamanut ammarpoq. Taava Anders Meilvang 2014-imi marsimi siulittaasutut qinerneqaqqippoq.

Kalaallit Nunaanni tamarmi inuuttaasunut IKIU'p siunnersuisarfiunissaa Anders Meilvangip soqutigilluinnarsimavaa ilutigisaanillu innuttaasut pisinnaatitaaffimminnik ilisimasaqarnerulernissaat pingaartissimallugu. Taassuma aamma pingaartissimavaa pisortat oqartussaasuisa IKIU akerlimittut isigissanngikkaat, innuttaasulli eqqortumik pineqarnissaannut tapertatut suleqatitullu isigissagaat pingaartissimallugu.

Siulittaasumik nutaamik qinersinissap tungaanut siulersuisuni ilaasortaq advokat Thomas Trier Hansen siulittaasutut atuukkallassaaq.

Nutaamik siulittaasortaarnissap tungaanut makku IKIU'p siulersuisorigallassavai:

- Advokat Thomas Trier Hansen (siulittaasuugallartooq)
- Advokat Naja Joelsen (siulittaasup tullia)
- Eqqartuussisoq Kirsten Thomassen
- Folketingimi ilaasortaq Aaja Chemnitz Larsen





Inatsisigut Siunnersuisarfik imminut ingerlattoq Kalaallit Nunaanni innuttaasunut tamanut akeqanngitsumik matoqqasumillu inatsisitigut siunnersuisarpoq (inatsinik ikiuisarpoq) ilitersuisarlunilu.

*Annertunerusumik paasiniaaffissat: Thomas Trier Hansen (+45) 22 27 25 63 imaluunniit allaffimmi pisortaq Sofia Rossen, mobil 52 45 48.*



Inatsisitigut Siunnersuisarfik Namminersortuutitaq  
Den Selvejende Retshjælpsinstitution  
Samuel Kleinschmidtsvej 10, Postbox 1318, 3900 Nuuk - Tlf. 324548 – Fax: 314548 - [www.ikiu.gl](http://www.ikiu.gl)